

P.U. (A) 507.

2722

- (iii) kos kepada orang ramai untuk memperolehnya jika barang-barang itu secara amnya boleh didapati oleh orang ramai; dan
- (iv) kos pengeluaran jika barang-barang itu dikeluarkan oleh pembeli atau seseorang yang mempunyai pertalian dengan pembeli itu pada masa pengeluarannya.

(3) Bagi maksud perenggan (1)(c)—

“data atau arahan” tidak termasuk rakaman bunyi, sinematik atau video;

“media pembawa” tidak termasuk litar bersepadu, semi konduktor dan peranti, atau benda yang serupa yang memasukkan litar atau peranti sedemikian.

**Nilai urus niaga barang-barang yang sama sebagai nilai kastam**

6. (1) Tertakluk kepada subperaturan (2), (3) dan (4), jika nilai kastam barang-barang yang diimport tidak dapat ditentukan di bawah peraturan 4, nilai kastam barang-barang itu adalah nilai urus niaga barang-barang yang sama berkenaan dengan jualan barang-barang itu bagi eksport ke Malaysia jika—

- (a) nilai urus niaga itu adalah nilai kastam barang-barang yang sama; dan
- (b) barang-barang yang sama itu dieksport pada masa atau secara matannya pada masa yang sama sebagaimana barang-barang yang dinilai itu dan dijual di bawah syarat-syarat yang berikut:
  - (i) kepada seseorang pembeli pada tahap dagangan atau secara matannya pada tahap dagangan yang sama sebagaimana pembeli barang-barang yang dinilai itu; dan
  - (ii) dalam kuantiti atau secara matannya dalam kuantiti yang sama sebagaimana barang-barang yang dinilai itu.

(2) Jika nilai kastam barang-barang yang diimport itu tidak dapat ditentukan di bawah subperaturan (1) kerana barang-barang yang sama tidak dijual di bawah syarat-syarat yang diperihalkan dalam perenggan (1)(a) dan (b), maka hendaklah digantikan baginya, barang-barang yang sama yang dijual di bawah mana-mana syarat yang berikut—

- (a) kepada seseorang pembeli pada tahap dagangan atau secara matannya pada tahap dagangan yang sama sebagaimana pembeli barang-barang yang dinilai itu tetapi dalam kuantiti berbeza daripada kuantiti barang-barang yang sedemikian dijual;
- (b) kepada seseorang pembeli pada tahap dagangan yang berbeza dengan pembeli barang-barang yang dinilai itu tetapi dalam kuantiti atau secara matannya dalam kuantiti yang sama sebagaimana kuantiti barang-barang yang sedemikian dijual; atau
- (c) kepada seseorang pembeli pada tahap dagangan yang berbeza daripada pembeli barang-barang yang dinilai itu dan dalam kuantiti berbeza daripada kuantiti barang-barang sedemikian yang dijual.

(3) Bagi maksud menentukan nilai kastam barang-barang yang diimport di bawah subperaturan (1) atau (2), nilai urus niaga barang-barang yang sama hendaklah diselaraskan dengan menambah kepadanya atau menolak daripadanya, mengikut mana-mana yang berkenaan, amaun bagi mengambil kira—

- (a) perbezaan komersial yang ketara antara kos, caj dan perbelanjaan yang dirujuk dalam subperenggan 5(1)(a)(vii) berkenaan dengan barang-barang yang sama itu dan kos, caj dan perbelanjaan berkenaan dengan barang-barang yang dinilai itu yang boleh disandarkan kepada perbezaan dalam jarak dan kaedah pengangkutan;
- (b) perbezaan dalam tahap dagangan pembeli barang-barang yang sama itu dengan barang-barang yang dinilai itu atau kuantiti barang-barang yang sama itu dengan barang-barang yang dinilai itu yang dijual atau kedua-duanya, mengikut mana-mana yang berkenaan, jika nilai urus niaga adalah berkenaan dengan barang-barang yang sama yang dijual di bawah salah satu daripada syarat-syarat yang dipertihalkan dalam perenggan (2)(a), (b) atau (c),

jika setiap amaun boleh, pada pendapat pegawai kastam yang hak, ditentukan atas dasar maklumat yang mencukupi.

(4) Jika berkenaan dengan barang-barang yang diimport yang dinilai, terdapat dua nilai urus niaga atau lebih barang-barang yang sama yang memenuhi semua kehendak sebagaimana yang dinyatakan dalam subperaturan (1), (2) atau (3), nilai kastam barang-barang yang dinilai hendaklah ditentukan atas dasar nilai urus niaga sedemikian yang terendah.

#### Nilai urus niaga barang-barang yang serupa sebagai nilai kastam

7. (1) Tertakluk kepada subperaturan (2), jika nilai kastam barang-barang yang diimport tidak dapat ditentukan di bawah peraturan 6, nilai kastam barang-barang itu adalah nilai urus niaga barang-barang yang serupa berkenaan dengan jualan barang-barang itu bagi eksport ke Malaysia jika—

- (a) nilai urus niaga adalah nilai kastam barang-barang yang serupa; dan
- (b) barang-barang yang serupa itu dieksport pada masa atau secara matannya pada masa yang sama sebagaimana barang-barang yang dinilai dan dijual di bawah syarat-syarat yang berikut:
  - (i) kepada seseorang pembeli pada tahap dagangan atau secara matannya pada tahap dagangan yang sama sebagaimana pembeli barang-barang yang dinilai itu; dan
  - (ii) dalam kuantiti atau secara matannya dalam kuantiti yang sama sebagaimana barang-barang yang dinilai itu.

(2) Subperaturan 6(2), (3) dan (4) hendaklah terpakai kepada peraturan ini secara *mutatis mutandis*.

#### Nilai tolakan sebagai nilai kastam

8. (1) Tertakluk kepada subperaturan 3(2) dan (3), jika nilai kastam tidak dapat ditentukan di bawah peraturan 7, nilai kastam barang-barang itu adalah nilai tolakan berkenaan dengan barang-barang itu.

P.U. (A) 507.

2724

(2) Jika barang-barang yang dinilai atau barang-barang yang sama atau barang-barang yang serupa itu dijual di Malaysia dalam keadaan barang-barang itu diimport pada masa atau secara matannya pada masa yang sama sebagaimana masa pengimportan barang-barang yang dinilai itu, nilai tolakan barang-barang yang dinilai itu adalah harga setiap unit berkenaan dengan penjualan yang diperihalkan dalam subperaturan (5), ditentukan mengikut subperaturan itu dan diselaraskan mengikut subperaturan (6), pada kadar bilangan unit terbanyak barang-barang yang dinilai atau barang-barang yang sama atau barang-barang yang serupa itu dijual.

(3) Jika barang-barang yang dinilai atau barang-barang yang sama atau barang-barang yang serupa itu dijual di Malaysia dalam keadaan barang-barang itu diimport sebelum luputnya 90 hari selepas pengimportan barang-barang yang dinilai itu tetapi tidak dijual pada masa atau secara matannya pada masa yang sama sebagaimana masa pengimportan itu, nilai tolakan barang-barang yang dinilai itu adalah harga setiap unit berkenaan dengan penjualan yang diperihalkan dan ditentukan dalam subperaturan (5) dan diselaraskan mengikut subperaturan (6), pada kadar bilangan unit terbanyak barang-barang yang dinilai atau barang-barang yang sama atau barang-barang yang serupa itu dijual pada tarikh terawal selepas pengimportan barang-barang yang dinilai itu.

(4) Jika barang-barang yang dinilai atau barang-barang yang sama atau barang-barang yang serupa itu dijual di Malaysia selepas dipasang, dibungkus atau diproses selanjutnya di Malaysia dijual di Malaysia sebelum luput 90 hari selepas pengimportan barang-barang itu dan pengimport barang-barang yang dinilai itu meminta supaya subperaturan ini dipakai dalam penentuan nilai kastam barang-barang itu, nilai tolakan barang-barang yang dinilai itu adalah harga setiap unit berkenaan dengan penjualan yang diperihalkan dan ditentukan dalam subperaturan (5) dan diselaraskan mengikut subperaturan (6), pada kadar bilangan unit terbanyak barang-barang yang dinilai atau barang-barang yang sama atau barang-barang yang serupa itu dijual pada tarikh terawal selepas pengimportan barang-barang yang dinilai itu.

(5) Bagi maksud subperaturan (2), (3) dan (4), harga setiap unit berkenaan dengan apa-apa barang-barang yang dinilai atau barang-barang yang sama atau barang-barang yang serupa, hendaklah ditentukan dengan menentukan harga unit berkenaan dengan transaksi penjualan pertama barang-barang itu selepas pengimportannya kepada orang yang—

- (a) tidak mempunyai pertalian dengan orang yang daripadanya mereka membeli barang-barang itu pada masa barang-barang itu dijual kepada mereka; dan
- (b) tidak membekalkan, secara langsung atau tidak langsung, tanpa sebarang caj atau pada kos terkurang bagi kegunaan berhubungan dengan pengeluaran dan penjualan bagi eksport barang-barang itu, mana-mana daripada barang-barang atau perkhidmatan yang dirujuk dalam subperenggan 5(1)(a)(iii),

pada kadar bilangan unit terbanyak barang-barang itu dijual jika, pada pendapat pegawai kastam yang hak, bilangan jualan sedemikian yang mencukupi telah dibuat bagi membolehkan suatu penentuan harga setiap unit barang-barang itu dilakukan.

(6) Bagi maksud subperaturan (2), (3) dan (4), harga setiap unit berkenaan dengan barang-barang yang dinilai atau barang-barang yang sama atau barang-barang yang serupa itu, hendaklah diselaraskan dengan menolak daripadanya suatu amaun bersamaan dengan agregat—

(a) suatu amaun, yang ditentukan mengikut subperaturan (7), bersamaan dengan:

- (i) amaun komisen yang secara amnya diperoleh atas dasar suatu unit; atau
- (ii) amaun keuntungan dan perbelanjaan am, termasuk segala kos pemasaran barang-barang itu, yang diambil kira bersama-sama secara keseluruhannya, yang ditunjukkan secara amnya atas dasar suatu unit,

berhubungan dengan jualan barang-barang yang sama kelas atau jenis di Malaysia sebagaimana barang-barang sedemikian;

(b) kos, caj dan perbelanjaan yang munasabah yang ditanggung berkenaan dengan pengangkutan atau insurans barang-barang itu dalam Malaysia dan kos, caj dan perbelanjaan yang munasabah yang berkaitan dengannya jika amaun bagi kos, caj dan perbelanjaan sedemikian tidak ditolak berkenaan dengan perbelanjaan am di bawah perenggan (a);

(c) apa-apa duti kastam atau cukai lain yang kena dibayar di Malaysia disebabkan pengimportan atau penjualan barang-barang itu, jika suatu amaun bagi duti dan cukai sedemikian tidak ditolak berkenaan dengan perbelanjaan am di bawah perenggan (a); dan

(d) jika subperaturan (4) terpakai, amaun nilai yang ditambah kepada barang-barang itu boleh disandarkan kepada pemasangan, pembungkusan atau proses selanjutnya barang-barang itu di Malaysia, jika amaun itu ditentukan, pada pendapat pegawai kastam yang hak, atas dasar maklumat yang mencukupi.

(7) Amaun yang diambil kira bersamaan dengan amaun komisen atau amaun bagi keuntungan dan perbelanjaan am yang dirujuk dalam perenggan (6)(a) hendaklah dihitung atas dasar peratusan dan ditentukan atas dasar maklumat yang mencukupi yang disediakan oleh atau bagi pihak pengimport barang-barang yang dinilai itu dengan cara yang selaras dengan prinsip perakaunan yang diterima secara amnya.

(8) Bagi maksud subperaturan (7), jika maklumat yang diberikan oleh atau bagi pihak pengimport barang-barang yang dinilai itu tidak mencukupi, pegawai kastam yang hak itu boleh menjalankan suatu pemeriksaan penjualan di Malaysia terhadap kumpulan atau julat yang paling terhad barang-barang yang sama kelas atau jenis sebagaimana barang-barang yang dinilai itu yang daripadanya maklumat yang mencukupi boleh diperolehi pada pendapat pegawai kastam yang hak.

P.U. (A) 507.

2726

Nilai campuran sebagai nilai kastam

9. (1) Tertakluk kepada subperaturan 3(2) dan (3), jika nilai kastam barang-barang yang diimport tidak dapat ditentukan di bawah peraturan 8, nilai kastam barang-barang itu adalah nilai campuran berkenaan dengan barang-barang itu.

(2) Nilai campuran barang-barang yang dinilai adalah agregat amaun yang bersamaan dengan—

(a) kos, caj dan perbelanjaan yang ditanggung berkenaan dengan, atau nilai,:

(i) bahan yang digunakan dalam mengeluarkan barang-barang yang dinilai itu; dan

(ii) pengeluaran atau pemprosesan lain barang-barang yang dinilai itu,—

yang ditentukan atas dasar—

(A) akaun komersial pengeluar barang-barang yang dinilai itu; atau

(B) apa-apa maklumat lain yang mencukupi berkenaan dengan pengeluaran barang-barang yang dinilai itu,

yang dibekalkan oleh atau bagi pihak pengeluar barang-barang itu dan disediakan dengan cara yang selaras dengan prinsip perakaunan yang diterima secara amnya negara pengeluar barang-barang yang dinilai itu, termasuk, tanpa mengehadkan secara amnya yang terdahulu—

(aa) kos, caj dan perbelanjaan yang dirujuk dalam subperenggan 5(1)(a)(ii);

(bb) nilai apa-apa barang-barang dan perkhidmatan yang dirujuk dalam subperenggan 5(1)(a)(iii) dan (vi), ditentukan dan dibahagikan kepada barang-barang yang dinilai itu sebagaimana yang dirujuk dalam peraturan itu, sama ada barang-barang dan perkhidmatan itu telah dibekalkan tanpa sebarang caj atau pada kos terkurang;

(cc) kos, caj dan perbelanjaan yang ditanggung oleh pengeluar berkenaan dengan kejuruteraan, pembangunan, kerja seni, kerja reka, pelan atau lakaran yang dilakukan di Malaysia yang dibekalkan, secara langsung atau tidak langsung, oleh pengimport barang-barang yang dinilai itu bagi kegunaan berhubungan dengan pengeluaran dan penjualan bagi eksport barang-barang itu setakat elemen sedemikian dicajkan kepada pengeluar barang-barang itu, yang dibahagikan kepada barang-barang yang dinilai itu sebagaimana yang dirujuk dalam subperenggan 5(1)(a)(iii);

(b) amaun yang ditentukan mengikut subperaturan (4), bagi keuntungan dan perbelanjaan am, yang diambil kira bersama-sama secara keseluruhannya, yang ditunjukkan secara amnya dalam penjualan bagi